

يخواني أنخام .. مو أني بحماكم
فزعوا ترى طبّ الشمر بخيامي
ما تسمعوا نياحي وحنين أيتامي
آذوني أعداكم

%%%%%%%%

يسباع هاشم فرهدوني العسكر
تدرون بيّه مخّدره وما أقدر
لا تقولوا ليّه أعلى الهضم أتصبر
جمر العتب في جوفي شب يتوجّر

شفرة عتب تجرح .. وصلت إلى المذبح
من هو يجاوب نخوة المحرومه
واخوتها كلهم بالمعاره نومي
إخذوني ويّاكم .. يخواني أنخام

%%%%%%%%

ظل يضطرب بالغبره جسم الوالي
واهتزّ راسه ومدمعه دم هالي
جاوبها زينب طحت أنا ورجالي
خفي العتب يختي ورحمي حالي

يختي أقطعوا نحري .. فوق الرمح عذري
براس العوالي عيني أداريكم
بشفاي چلمات الدعاء أباريكم
أسمع بممشاكم .. يخواني أنخام

شاء الله يختي هالعدا يقيدونج
أبظهر المطايا أويا الحرم يسبونج
إقبال عيني الكوفه أيدخلونج
والنّاس صقّين أوقفوا ينظرونج

من واحد يَأشّر .. دمع النحر يقطر
روحي عليكم حوّمت يم راسج
وارواح صحبي والمالك حراسج
مه دوره أدياكم .. يخواني أنخاڪم
%%%%%%%%

هون عليّه أمصابي شوفة حالج
من هول ما شفّتي أنمرد دلّالج
مدهوش من فرط المصابب بالج
إنّتي اللي ما حد نوب شاف اظلالج

مسبيّه اتصبحين .. بين الزلم تمشين
حرّ الشمس غيّر يخيه أرسومج
فوق الهزل سترج أبردن اهدومج
مبهوضه أدياكم .. يخواني أنخاڪم
%%%%%%%%

تدري يخويه الشام من طبينه
لعلام رقّت لفرح والزينه
واحنه الحبل يحسين حرّ أيدينه
دقّوا الطبل والخوف يسري بينه

أنشد أبو فاضل .. ضيّعني الكافل
روحي عليكم يخوتي وجعانه
عان الله قلبي ومهجّتي الحزنانه
لا تظنّوا أنساكم .. يخواني أنخاڪم